





The image shows the front cover of an old book. The cover is decorated with a dense, repeating pattern of horizontal, wavy lines in various colors, including red, blue, green, yellow, and white, creating a marbled effect. In the center of the cover, there is a small, rectangular, light-colored label with a decorative border. The label contains the name "W. JACKSON" printed in a simple, serif font. The book is bound in a dark, possibly black, material, which is visible at the edges.


W. JACKSON
























¶ IHSVS.
Eyn Sermon von der bereytung
zum sterben. R. L. A.

¶ Zum Ersten/ Die weyl der todt eyn abschied ist von dieser welt/ vnd allen yhier handellen/ ist not das der mensch seyn zeytlich gut ordenlich vor sich. i. sse/ wie es soll oder er gedencke zu ordnen/ das nit bleybe nach seynem todt/ visach/ zantel/ hadders oder sonst eyns yrrhumb/ vnter seynen nachgelassen freunde/ vñ dis ist eyn leylicher oder eußerlicher abschied von dieser welt/ vnd wirt vrlaub vñ letze geben dem gut.

¶ Zu Andern/ Das mā auch geystlich eyn abschied nhemel/ das ist/ man vorgebe freuntlich/ lautterlich vmb gottis willen/ allen menschen/ wie sie vnß beleydige haben/ widderumb/ auch begere vorgebung lautterlich vmb gottis willen von allen menschen deren wir vill anzweyffel beleydiget haben/ zum wenigste mit positiven exempel/ odder zu wenig wolthaten/ wie wir schuldig gewesen nach des gepot Bruderlicher/ chustlicher liebe/ auff das die seel nit bleyß behafft mit yrgē eynē handell auff erden.

¶ Zum Dritten/ Wir so ydaman vrlaub auff erden gebē/ Soll man sich dan alleyn zu gott richten/ da der weg/ des sterbens/ sich auch hin keret/ vñ vnß furet. Vnd hie hebt an/ die enge pforte/ der schmale steyg / zum leben/ des muß sich eyn yglicher frölich erwezen/ danmer ist woll fast enge/ er ist aber nit langē/ vnd geht hie zu/ gleych wie ein kind/ auß d cleyren woung seynner mutter leyß/ mit gefar vnd engsten geboren wirt / yn diesem weyten hymell vnd erden/ das ist auff diße welt. Also geht der mensch durch die enge pforten des todts/ auß diesem leben/ vnd wie woll der hymell/ vnd die welt/ da wir igt yn leben/ groß vñ weyt angesehen wirt. So ist es doch alles/ gegen dem zukunfftigen hymel/ vill enger vnd kleyner/ dan der mutter leyß/ gegen diesem hymell ist/ darumb heyst/ der lieben heyligen sterben/ eyn new gepurt/ vnd yhiesest/ nemet man zu latein Natale/ eyn tag yhier gepurt. Aber der enge gange/ des todts macht/ das vnß/ diß leben weyt/ vnd yhenes enge duncke. Drumß muß man das

GS. 16. 3.

R 55/810

#2



glauben / vnd an der leylichen gepurt eyns kinds lernen / als
Christ^{us} sagt. Eyn weyß / wan es gepurt so leydet es angst / wan
sie aber genesen ist / so gedenckt sie der angst nimmer / die weyll
eyn mensch geporn ist vñ yhr / yn die welt / also / ym sterbē auch
muß man sich der angst erwegen / vñ wissen / das darnach eyn
großer raum vnd freud seyn wirt.

¶ Zum Vierten / Solch zu richten vnd bereytung / auff diese
fart / steht darinne zū ersten / das man sich mit lauterer beycht
(sonderlich der groÿsten stuck / vnd die zur zeyt ym gedechtniß
muglichs vleyß / erfunden werden) vnd d̄ heyligen Chriſtenliche
sacrament / des heyligen waren leychnams Christi vñ d̄ ölung
vorsorge / die selben andechtig begere / vnd mit großer zunoꝛſich
empfabē / so man sie haben mag. Wo aber nit / soll nit d̄ſte we
niger / das vorlangē vnd begere der selben troſtlich seyn / vñ nit
darob zu seher erschreckē / Christus spricht / alle dingk sein möglich
dez der do glaubt / Dan die sacrament auch anders nit seyn / dā
zeychen / die zum glauben dienen / vnd reytzen / wie wir sehen wer
den / An wilchen glauben sie nichts nutz seyn.

¶ Zum Funfften / Soll man yhe zu sehen mit allem ernst /
vñ vleyß / das mā die heyligen sacrament groß acht / sie yn ehre
habē / sich frey vnd frölich drauff verlaſſe / vñ sie gegen die sund
todt vnd hell / also wige / das sie weyt vñ auß schlagen / Auch
will mehr / mit den sacramenten / vnd yhren tugenden sich bekü
mere / dan mit den sunden / Wie aber / die ehre recht geschēch vnd
was die tugent seyn / muß man wissen. Die ehre ist / das ich
glaub / es sey war vñ geschēch mir / was die sacrament bedentē /
vnd alls was gott / darinnen sagt vnd anzeygt / das man mit
Marien der mutter gottis / yn festem glauben sprech. Wir ges
schēch / nach deynen Worten vñ zeychen / Dan die weyl da selbst
gott durch den p̄ſter redt / vnd zeychet / mecht man gott kein
großer vñ ehre / yn synem wort vñ werck thun / dan zweyſelen / ob
es war sey / vnd kein großer ehre thun / den glauben es war sey /
vnd sich frey drauff verlaſſen.

¶ Zū Sechsten / Die tugend der sacrament zu erkennen / muß
man vorwissen / die vntugent / da widder sie sechten vnd vnß ge
bē seynd / Der seyn drey / die erste / d̄z erschrockliche bild des todes /
die ander / d̄z graulich manichſeltig bilde d̄ sund / die dritte / das

untreglich vnd vnno:meydliche bild/der hellen vnd ewiges vor
damniß. Tu wechste an yglichs auß disen dreyen/ vnd wirt
groß vñ starck/ auß seinē zusagen. Der todt wirt groß/ vnd
erschrecklich/dz die blode vorzagte natur / dz selb bild zu tieff
yn sich bildet/zu seher vor augen hatt/da zu steuret nu d teuffel/
auff das der mensch/ das greslich geperd vnd bild des todes/
tieff betrachte/da durch bekümert/ weych vnd zaghafft werd/
dan do soll er woll/alle die schrecklichen/ gehlingen/ böse tode
fürhalte/die eyn mensch/ yhe gesehen/ gehört/ odder gelesen hatt/
daneben mit eyn wickeln den zorn gottis/wie er vorzeytē/hie vñ
da die sunder/geplagt vñ vorterbett hatt/Damit er die blode na
tur zur fürcht des todes/vñ zur lieb vñ sorgen/ des lebens treybel/
da durch der mensch zuuill beladen mit solchen gedancken/got
tis vorgesse/den todt flige/ vnd hasse/vnd also gott am letzten
ende/ vngheho:sam erfunden werde vnd bleybe. Dan yhe tieffer d
todt betrachte/ angesehen vñ erkant/yhe schwerer vñ ferlicher dz
sterben ist. Im leben/solt mā sich mit des todes gedanckē vñ
vnd zu vnß foddern/wan er noch ferne ist/vnd nicht treybt. Aber
ym sterben/wan er von yhm selbs schon alzu starck da ist/ ist
es ferlich vnd nichts nutz/Da muß man seyn bild außschlahē
vnd nit sehen wollē/ wie wir hören werden. Also hatt der todt
seyn crafft vnd starck/ yn der blodigkeit vnser natur/vnd yn seyn
nem vnzeytgen/ zuuill ansehen odder betrachten.

¶ Zum Siebenden/ Die sund wechste vnd wirt groß/ auch
durch yhe zuuill ansehen/vñ zu tieff bedencken/ Da hilfft zu die
blodigkeit vnser gewissen/das sich selbs vor gott/schemet vñ
grewlich straffe/ Da hatt der teuffel dan eyn bad funden/das
er gesucht/da treybt er/da macht er die sund so vill / vnd groß/
da soll er alle die fürhalten/die gesundet haben/vnd wie vil/ mit
wenigern sundē vordampft seyn/ Das der mensch aber muß vor
zagen odder vnwillig werden zusterben / vnd also gottis vor
gessen/vnd vngheho:sam erfunden/ bleyben biß yn todt/ sonder
lich/die weyll der mensch meynt/ er muß die sund als dan betra
chten/vnd thu woll recht vnd nutzlich dran/dz er da mit vmb
gehe/also findt er sich dan vmbereydt vnd vngeschickt/ so seer/
das auch alle seyne gute werck zu sunden wordē seynd/ Auß des
dann muß folgenn/ eyn vnwillig sterben / vngheho:sam gottis
willen vnd ewiges vordānen. Dan die sund betrachten/hatt da

kein fug noch zeit/das soll mā yn der zeit des lebens thun. Also
vorkeret vnß der boße geyst alle ding/am lebe/ da wir soltē des
todts/ß sund der helle bild stetig voraugē habē. Als ps 50. stet/
Meyn sund seyn mir alzeit voraugē/ßo thut er vnß die augē zu
vñ vörbirget dieselben bild. Am todt da wir solten/ nur das le-
be/gnad/vñ selickēit voraugē habē/ thut er vnß dan aller erst
die augen auff/vnd engstet vnß/ mit den vnzeitigen bilden/ dz
wir der rechten bilden nit sehen sollen.

¶ **Zu Achte/** Die helle wirt groß vñ wechset/ auch durch yhe
zuwill ansehen vñ hertes bedencken/ zu vnzeit/ Da zu hilfft vbir
die maß seer/ dz mā gottis vteyl nit weyß/ da hin ð boße geyst
die seel treybet/das sie sich mit vbringen vnutzen/ furwitz/ Ja
mit dez aller ferlichstē furnhemē beladet vñ forschē sol/gotlichs
rades heymlickēit/ ob sie vorsehn sey odder nit. Sie vbet der teuf-
fell seyn letzte/groste/listigiste kunst vñ vortugen. Dan da mit
furet er den menschen (ßo er es vrsiht) vbir gott/das er sucht/
zeychen gotlichs willen/vnd vngedultig werd/ das er nit wissē
soll/ ob er vorsehen sey/macht yhm seynen gott/ vordrechtig/
das er vill nah/ noch eynem andern gott sich sehnet/ kurtzlich/
hie gedencft er gottis lieb/ mit eynes sturm wind außzuleschen/
vnd gottis haß erwecken. Ihe mehr der mensch/dem teuffell sol-
get/vñ die gedancken leydet/yhe ferlicher a steht/vnd zuletzt nit
mag erhaltē/er felt yn gottis haß vñ lesterung/dan was ist es
anders/dz ichs wissen will/ob ich vorsehn sey/dā ich will alls
wissen/was gott weyß/vñ yhm gleych sein/das er nichts mehr
wisse/dan ich/vñ also gott/nicht gott sey/ßo er nichts vbir
mich wissen soll. Da helt er fur/wie vil heyden/Judē/Christen
kinder/vorloren werdē/vñ treybet mit solchen ferlichē/vñ vorge-
benen gedancfē ðo vill/ das der mensch/obersonst gerne sturb/
doch yn diesem stuck/vnwillig werde. Das heyst mit der helle
angefochte/wā der mensch mit gedancfē seyner vorsehūg wirt
angefochten daruber ym psalter gar vill clagen ist. Wer hie
gewinner/ß hat die hel/sund/todt auffeinē hauffen vbirwūde.

¶ **Zu Neunden/** Tu muß mā yn dises handell allen vleys
ankeren/das man dyßer dreyer bild/ keyns zu hauff lade/ noch
den teuffell vbir die thur male/ sie werdē selbs alzustarck hereyn
fallen/vnd das hertz mit yhem ansehen/disputim vnd zeygen/
gantz vnd gar/ynhabenn wollem. Vnd wo das geschicht/

So ist der mensch verloren / gottis ganz vorgessenn / dan diese Bilde gehören gar nichts / yn diese zeyt / anders / dan mit yhn zu fechten vnd sie auß zu treyben. Ja wo sie allein seyn / an durch sehen yn ander bild / gehören sie nyrgen hin / dan yn die helle vnter die teuffell.

Wer nu wol mit yhn fechten will / vnd sie anstreiben / dem wirt nit gnug seyn / das er sich mit yhn zerre vñ schlage / odder ringe / dan sie werden yhm zu stark seyn / vnd wirt erger vnd erger. Die kunst ist ganz vnd gar / sie fallen lassen / vñd nichts mit yhn handeln / Wie geht aber das zu? Es geht also zu / Du must den tod / yn dem leben / die sund / yn der gnaden / die hell / ym hymell ansehen / vnd dich von dem ansehen odder blick / nit lassen treyben / wan dirs gleych / alle Engell / alle Creatur / ya wens auch dich dunckt / gott selbs anders furlegen / das sie doch nit thun / aber / der böß geyst macht eyn solchen scheyn. Wie soll man des thun?

¶ Zum Zehenden / Du must den tod / nit yn yhm selbs / noch yn dir odder deynes natur / noch yn denen / die durch gottis zorn getodtet seyn / die der todte vñ wunden hatt / ansehen / odder betrachten / du bist anders vorloie / vñ wirft mit yhn vñ wunden Sondern deyn augen / deyns hertzen gedanken / vñd alle deyne syn gewaltiglich keren von des selben bild / vnd den todte / stark vnd emsig ansehen / nur yn denen / die yn gottis gnaden gestorbē / vnd den todte vñ wunden haben / sumemlich yn Christo / darnach / yn allen seynen heyligen. Sich yn diesen bilden / wirt dir der todte / nit schrecklich noch greulich / ia vorachtet vñ getodtet vñ ym leben erwurget / vñ vñ wunden / Dan Christo ist nichts dan eytell leben / seyn heyligen auch / yhe tieffer vnd reyster / du dir diß bild eynbildest / vnd ansiehst / yhe mhr des todes bild absetz vnd von yhm selbs vñschwindt / an alles zeren vñd streyten vnd hatt also deyn hertz frid / vñd mag mit Christo / vnd ynn Christo ganglich starcken. Wie Apoc: stett. Selig seynd die / die yn dem herrn Christo sterben / das ist bedeut Numeri 21. Da die kinder von Israel / vñ den feurenden schlangen gepissen / nit sich mit den selben schlangen zeren / sondern die todte ehineschlange musten ansehen / da fielen die lebendingen von yhm selbs ab / vnd vorgingen / Also mustu dich / mit dem todte Christi alleyn be

kummert/so wirstu das leben finden/ vñ wo du den todt anderswo ansiehst/ so tödt er dich mit grosser vnruhe vñd peyn. Drum sage Christ⁹. In der welt (dz ist auch yn vnßselb) werden yhr vnruhe haben/ In mir aber/ den Friden.

¶ Zum Zylfften/ Also mustu die sund nit ansehen yn dem sundern/ noch yn deynem gewissen/ noch yn denen/ die/ yn sundē endlich blißen vñd vordampft seyn/ du sehest gewislich hynach vñd wirst vberwunden/ sondern abtoren deyn gedancken/ vñd die sund/ nit dan yn der gnaden bild ansehen/ vñd dasselb bild mit aller crafft yn dich bilden vñd vor augen haben. Der gnaden bild/ ist nit anders / dan Christus am Creutz vñd alle seyne lieben heyligen. Wie vorsteht man das: dz ist gnade vñd barmhertzigkeit/ das Christ⁹ am Creutz deyne sund von dir nymmet/ tregt sie fur dich vñd erwurget sie/ vñd dasselb festiglich glaubē vñd vor augen haben/ nit drum zweyfelln/ das heyst das gnaden bild ansehen vñd ym sich bilden: Desselben gleichen alle heyligen ym yhrem leyden vñd sterben/ auch auff yhn tragen deyne sund/ vñd fur dich leyden vñd erbeyten wie geschueben steet. Syner trag des andern Burden/ so erfüllet yhr Christus gepott/ also spricht er selber Matt. xi. Kommet zu myr all die yhr beladen seyt vñd arbeit/ ich will euch helfen/ Sich so magstu deyn sund sicher ansehen/ auß deynē gewissen/ sich da seynd sund nymmer sund/ da seynd sie vberwunden/ vñd yn Christo vorschlundent/ dan gleych wie er deynen todt auff sich nympt/ vñd yhn erwurget das er dir nit schaden mag/ so du anders glaubst/ das er dyr dz thut/ vñd deynen todt yn yhm/ nit yn dyr ansiehst/ also nympt er auch deyn sund auff sich/ vñd yn seyne gerechtigkeit/ auß lauter gnaden/ dir vberwindt/ so du das glaubst/ so thun sie dyr nimmer schaden. Also ist Christus/ des lebens vñd gnaden bild widder des tods vñd sund bildt/ vnßer trost/ das sagt Paulus. 1. Corin. 15. Gott sey lob vñd danck/ das er vnß/ yn Christo geben hatt/ vberwindung/ der sund vñd des tods.

¶ Zu zwelfften/ Mustu die heile/ vñd ewigkeit d peyn/ mit d vorsehung/ nit yn dir/ nit yn yhselbs/ nit yn denen / die vordāpt seyn ansehen/ auch nichts bekümmern mit so uill menschen / yn d ganzen welt/ die nit vorsehen seynd/ dā sichstu dich nit fur/ so wirt dich/ d:ß bild schwind sturzen/ vñd zu Boden stossen/ druß

mußtu hie gewalt vben/die augen fest zu halten/ für solchem
Blick/dan er gar nichts nutz ist/ ob du tausent iar/damit umb-
gungst/vñ vorterbet dich zu mall/du mußt doch gott lassen/
gott seyn/das er wisse mehr von dir wan du selbs. Dumb sich
das hymelisch bild Christi an/der umb deynen willē/ gerhell
Gefaren/vñ von gott ist vollassen gewesen/ als eyner der vor-
dampft sey ewiglich/da er sprach am Creutz/ Eli eli lama asab
thani. O meyn gott o meyn gott/warū hastu mich vollassen
Sich yn dem bild/ist vberwunden deyn helle/vñ deyn vngewiß
vorsehung/gewiß gemacht/ das so du da mit alleyn dich be-
kümmerst/vnd das glaubst für dich geschehn/so wirstu/yn dan
selben glauben behalten gewißlich / Drib las dirs nur nit auß
den augen rñemen/vñ suche dich nur in Christo/ vnd nit yn dir
so wirstu dich ewiglich yhn yhm finden.

Also wā du Christū vñ all seyne heyligē ansihst/vñ dir woll
gefellet/die gnad gottis / der sie also erwelet hatt / vnd bleybst
nur fest/yn des selben wolgefallen/so bistu schon auch erwelet/
wie er sagt Gen: 12. Alle die dich gebenedeyen/sollen gebenedeyet
seyn. Hastestu aber nit hir auff alleyn/ vnd sellest yn dich/ so
wirt dir eyn vnlust erwachen gegen gott vnd seyne heyligen / vñ
also yn dir nichts gutes finden/ Da hat dich für/ dan da wirt
der böse geyst/dich hin treyben/mit vill listen.

¶ Zum Dreyzehenden/Diese drey bild odder streyt/ ist bedeut
Judicū >. Da Gedeon die Madianiten mit drey hundert mā/
an drey orten yn der nacht angriff/doch nit mehr thet/dan ließ
drometen blasen/vñ lichtscherben zu sammen schlagen/das die
seynd flohen vñ sich selbs erwurgeten. Also fleugt/tod/ sund
vnd hell mit allen yhren crefften/ so wir nur Christi vnd seynes
heyligen leuchtende bild yn vnß vben/ yn der nacht / das ist yn
glauben/der die bösen bild nit sibet noch sehē mag/ darzu vnß
mit gottis wort als mit drometen reyzen vnd stercken. Also
furet die selb figur Isaias 9. gar lieblich eyn/ widder die selbenn
drey bild/vñ spricht von Christo/ Die last seynes burden/ die ru-
the seynes rucken/das scepter seynes treybers/ hastu vberwunden
gleych wie zu den zeyten d Madianiten/die Gedeon vberwād.
Als sprech er/deyns volcks sund (das do ist eyn schwere last sey-
ner burden yn seynem gewissen) vnd den tod (der do ist eyn ruthe
odder

oder straff der do drückt seynen rücken) vmb die hell (die eyn
scepter vnd gewalt ist des treybers/ do mit gefodert wirt ewiges
bezalen für die sund.) Hastu alls vbirwunden / wie es dan ge-
schehen ist zu den zeyten Nadian/ das ist durch den glauben/
da durch Gedeon an all schwert schlag / die seynd vorgagt.
Wen hatt er das than?

Am Creutz/ dan do selb/ hatt er vnß/ sich selbs bereyt eyn dreyfel-
tig bild vnserm glauben fürzuhalten/ widder die drey bild da 8
böse geyst vnd vnser natur/ vnß mit ansicht auß dem glauben
zu reysen. Er ist das lebendig/ vnd vnsterblich bild/ widder den
tod/ den er erlitten/ vnd doch mit seynen vfferstand von todtenn
vbirwunden / yn seynem leben. Er ist das bild der gnaden
gottis/ widder die sund/ die er auff sich genōmen/ vñ durch sey-
nen vnubirwindlichē gehorsaz/ vbirwūdē. Er ist dz hymelich
bild/ der vorlassen von gott/ als eyn vordāpter/ vnd durch seyn
aller mechtigist liebe die hell vbirwūdē/ bezeugt dz er 8 lieft sun
sey/ vñ vnß allan da selb zu eygen geben/ so wir also glauben.

¶ Zu Vierzehenden / Zu vbirflus/ hatt er nit allen yn yhm
selbs die sund/ todt/ hell / vbirwūden / vnd vnß fürgehalten zu
glauben/ Sondern zu mehrem trost/ auch selbst / die anschtung
erlitten vñ vbirwūden/ die wir yn disen bild habē. Er ist ebē so
wol angefochtē mit des todes/ 8 sund/ 8 hell bild/ als wir. Des
tods bild/ hiltē sie yhm für/ da die Jude sagte/ Er steig nu herab
voz Creutz/ Er hatt ander gesund macht/ er helff yhm nu selbs/
als sprechē sie/ da/ da/ sibstu den todt/ du must starbē/ da hilfē
nichts für. Gleych wie 8 teuffel/ eynē stabēdē mēschē/ des tods
bild er für rückt vñ mit schrecklichē bild die blod natur schuttet.

Der sund bild hiltē sie ym für. Er hatt ander gesund gemacht/
Ist er gottis sun/ so steyg er herab zc. als sprechen sie/ Seyn
werck seyn falsch vnd lauter triegerey gewesen/ Er ist des teufels
sun/ vñ nit gottis sun/ er ist seyn mit laib vnd mit seele. Er hat
nie kein guts than/ dan eytell bößheit. Vnd gleych wie die Ju-
den Christo dise drey bild zu triben vnordenlich vnd anander/
also wirt der mensch von den selben zu gleych auff eyn mal vn-
ordenlich bestormet/ dz er vor irret werde/ vñ nur bald vorzwey-
ffell/ wie der her/ die vorstörung Jerusalem beschreybt Luce 19.
Das yhi seynd sie vmbgeben mit eynem schutt / das sie nit auß-
künden können/ (dz ist der todt)/ dz sie/ sie an allen enden engsten

vnd treyben/das sie nyrgen bleyben kunden/das seyn die sund.
zum dritten/das sie sie nydder schlagen zur erde/vn lassen key
ner steyn auff dem ander/das ist die hell vn vorzweyfflüg.

Der hellen bild trieben sie zu yhm/da sie sagten/Er vortrawe
gott/laß sehē ob ehr yhn erlöse/er sagt er sey gottis sun/als sprac
hen sie/Er hort yn die hell/Got hat yhn nit vorsehē/er ist ewig
furworffen/es hilffe hie keyn vortrawen noch hoffen/es ist vmb
sunst alls.

Wie wyr nu sehen das Christ⁹ zu allen den wortē vn grew
lichen bildē still schweyge/nicht mit yhn sicht/thut als hoiret
odder sehe er sie nicht/vorantwort keyns/vn wan er schon ant
wortet hett/so het er nur vrsach geben das sie mehr vn grewli
cher hettē geplerret vn getrieben/Sondern alleyn auff den liebste
willen seyns vatters acht hatt/so gantz vnd gar/das er seyns
tods seyns sund seyns hell/auff yhn getrieben vortrist/vn fur sie
Bittet/fur yhran tod/sund vn hell.

Also soln wyr die selben bild auch lassen/her fallen vn ab
fallen/wie sie wollen ader mugen/vn nur gedēcken das wyr an
des willen gottis hangen/der ist das wir in Christo haften/vn
festiglich gleubē/vn her tod/sund vn hell/sey vnß yn yhm vbir
wunden/vn mug vns nit schadē/Auff das also Christ⁹ bild yn
vnß alleyn sey/vn mit yhm disputiren vn handelē.

Zum Funffzehenden/zu kumen wyr widder zu den heyl
ligen sacramenten vn yhren tugenden/das wir lernen wo zo sie
gut seyn vn sie zu prauchē/Wilchem nu die gnade vn tzeit vor
lihen ist/das er beycht/absoluirt/bericht vn beolet wirt/der hatt
wol groß vrsach Gott zu lieben/loben vn dancken/vn frolich
zu sterben/So er anders sich trostlich volesset vn glaubt auff
die Sacrament/wie droben gesagt/dan yn den Sacramenten
handelt/redt/wirckt durch den puester/Deyn gott Christ⁹ selbs
mit dyr/vn geschehen da nit menschen werck oder wort/Da ge
redt dyr gott selbs alle ding/die izt vō Christo gesagt seyn/vn
will die sacrament eyn warzeichen vn vkrūd seyn/Christ⁹ lebē
soll deynen tod/seyn gehorsaz soll deyn sund/seyn liebe/deyn helle
auff sich genōmen vn vbirwundē haben. Darzu wirstu durch
die selbē sacrament eyngeleybet vn voreyniget mit allen heyligen
vn kumist yn die rechte gemeynschafft der heyligen/also dz sie
mit dyr in Christo sterbē/sunde tragē/hell vbirwindē. Darauß

folget / dz die sacramēt / dz ist die außeliche wort gottis durch
eynen priester gesprochen / gar eyn groffer trost seynt / vnd gleich
eyn sichelich zeichen gotlicher meynüg / daran man sich halten
soll mit eynē festen glauben / als an eynē guten stab / damit Ja-
cob der patriarch durch den Jordan gingt / oder als eyn latent /
damach man sich richten / vñ eyn aug auff haben soll mit alle
vleyß durch den finstern weg des tods / sund vñ hell / wie der p-
phet sagt / Deyn wort hat / ist eyn licht meyners fuß / vnd S. Peter
Wir habē eyn gewisses wort gottis / vnd yhr thut wol dran / so
yr seyn warnemet. Es mag sunst nichts helfen yn tods notē /
dan mit dem zeichen werdē all erhalten / die erhaltē waden. Es
weyßet auff Christū vñ sein bild / dz du magst widder des tods
sund vñ hell bild sagen. Got hat myr zugesagt / vñ eyn gewiß
zeichen seyner gnaden yn den sacramentē geben / das Christus le-
ben meynē tod yn seynē tod vberwunden hab / seyn gehorsam / meyn
nesund yn seynē leyden vortilget / seyn lieb meyn hell ynn seynem
vorlassen zustort habe / das zeichen / das zusagen meyn selic-
keit wirt myr nit liegen noch triegen / Gott hat es gesagt / gott
mag nit ligen / noch mit wortē noch mit wercken / vnd wer also
pocht / vnd sich auff die sacrament stonet / des erwelüg vñ vor-
sehung / wirt sich selbst an seyn sorg vñ muhe woll finden.

¶ Zū Sechzehēde. Hi ligt nu die aller großistē macht an /
das man die heyligen sacramēt / yn wilchen eytel gottis wort /
zusagē / zeichen geschehen / hoch achte / yn ehren halt / sich drauff
vorlasse / das ist das man widder an den sacramentē noch an
den dingen / der sie seynd gewisse zeichen / zweiffel / dan wo
daran gezweyffelt / so ist es alls verloren / Dan wie wir glau-
bē / so wirt vnß geschēhē / als Christ⁹ sagt. Was hulffs das du
dyr vorbildest vñ glaubest / der tod / die sund / die hell da andanñ
sey i Christo vberwundē / Wā du nit auch glaubst / das deyn tod
deyn sund / deyn hell / dyr da vberwundē vñ vertilget sey / vñ also
erloset seyest / So were dz sacramēt gar vmbsonst / die weyl du
nit glaubst die ding / die dir daselb / anzeygt / gebē / vñ vor-
sprachē werdē. Das ist aber die grausamst sund / die geschehen mag
durch wilch / got selber / yn seynē wort / zeichen vñ werck / als ein
lugner geachtet wirt / alls der etwas redt / zeyge / zusage / das er

nicht meyne/noch haltē wolle. Dahalben ist nit schimpfen mit den sacramenten/Es muß d̄ glaub da seyn/der sich drauff vorlaße/ vnd frölich wage yn solch gottis zeychen vnd zusagen. Was ware dz fur eyn seligmacher odder gott/ d̄ vnß nit mochte odder wolt vom tod/sund/hell selig machen. Es muß groß seyn/was der rechte gott zusaget vnd wirckt.

So kumpt dan der teuffel vnd blyffet dir eyn/ia wie wan ich dan die sacrament/hett vnwürdig empfangen / vñ mich durch meyn vnwürdigkeit solcher gnadē beraubt. Sie mach dz Creutz für dich / las dich / würdigkeit vnwürdigkeit nichts anfechten/ schaw nur zu/dz du glaubst es seyn gewisse zeychē/ ware wort gottis/ so bistu vñ bleybst wol würdig/glaub mach würdig zweyffell macht vnwürdig. Daruß will der böse geyst dir ander würdigkeit vnd vnwürdigkeit furwenden/dz er dir eynen zweyffell/vind da durch/die sacrament/ mit yren wercken zu nichte/ vnd gott yn seynen worten/eynen lügner mache.

Gott gibt dir vmb deynes würdigkeit willen nichts/ Er barwet auch seyn wort/ vnd sacrament / auff deyne würdigkeit nicht / sondern auß lauter gnadē/barwet er dich vnwürdigen auff seyn wort vnd zeychen/daran halt nur fest vnd spuch/ Der mir seyn zeychen vnd wort gibt vñ geben hatt/das Christ^{us} leben/gnad/vñ hymel/meyne tod/sund/hell mir vnshedlich gemacht hab/ der ist gott/wirt mir die ding woll halten / hatt mich der priester absoluiert/ so vollass ich mich drauff/ als auff gottis wort selber. Seynd es dan gottis wort/ so wirt es war seyn/ da bleyb ich auff/da stirb ich auff/ Dā du solt eben so fest trawen/ auff des priesters absolution/als wan dir gott eynen sonden engel odder Apostell sendet/ Ja als ob dich Christ^{us} selbs absoluiert.

¶ Zu Sibenzehenden/ Sich eyn solch vorteyll hatt/der die sacrament erlangt/ das er eyn zeychen gottis erlangt vñ zusag/ daran er seynen glauben vben vñ stercken mag/ er sey yn Christ^{us} bild vnd guter beruffe/ An wilche zeychen/ die andern alleyn yn glouben arbeitten / vnd sie mit dem begude des hertzen erlangen/ wie woll sie auch erhalten werden/ so sie yn dem selben glauben besteen. Also solen auch sagen vbir des sacrament des Altars. Hat mir der priester geben den heyligen leychnam Christi / das eyn zeychen vnd zusagen ist/ der gemeynschafft aller Engel vñ heyligen/das sie mich lieb habē/für mich sorgen/bitten/vñ mit

mir leyden/sterben/sund tragen/vnd hell/vbstrwüden. Szo wirt
es vñ muß also seyn/ das gottlich zeychen treugt mich nit/vñ
las mirs nit nhemen/ich wolt ehe alle welt/mich selb vouleug-
nen / ehe ich dran zweyffelt/ Meyn gott/ der sey mir gewiß/vnd
warhafftig/ yn dissem seynes zeychen vnd zusagen/ Ich sey seyn
würdig odder nit/ so byn ich ein glied der Churkenheit nach laut
vnd anzeygung/ disses sacraments. Es ist besser ich sey vnwür-
dig/dan das gott/nit warhafftig gehalten werde/ heb dich teu-
ffell/so du mir anders sagst.

¶ Zu sihe/man findt vill leut/die geren wolten gewiß seyn/oder
eyn zeychen haben vom hymell/wie sie mit gott dran weren / vñ
yhr vorsehüg wissen/vnd wan schon eyn solch zeychen sie vbir-
kenen/vnd sie doch nit glaubten/was hulff sie es? was hülffen
alle zeychen/an glauben? was holffen die Juden/Christus vnd
der Apostell zeychen? was helffen noch heut/ die hochwürdigen
zeychen der sacrament vnd wort gottis? Warüß halten sie sich
nit an die sacrament/wilchs gewisse vñ eingesetzte zeychen sein.
durch alle heyligen/probirt vnd vrsucht/gewiß erfunden / alle
denen/die do glaubt habe/vñ vbirkenen/ als was sie zeichent
Also solten wir die sacrament lernen erkennen/was sie seyn/wo
zu sie dienen/ wie man yhr prauchen soll. Szo finden wir dz nit
großer dingt auff erden sey/das betrübte hertzen vnd böß gewiß-
sen/lieblicher trosten mag/dan yn sacramentē seyn wort gottis
die dienen dazu/das sie vñs Christū zeygen vnd zusagen/mit al-
lem seynem gult/das er selbs ist/widder dē tod/sund/ helle/ Tu
ist nit lieblicher/begirlich dingt zu hören/dā den tod/sund / hell
zu vortilgen/das geschicht durch Christū yn vñs/so wir des
sacraments recht prauchen/Der prauch ist nit anders/dā glau-
ben/es sey also/wie die sacrament durch gottis wort/zusagen
vnd vorpflchten/Duimb ist nott/das man nit alleyn die drey
Bild in Christo ansehe/vnd die gegen Bild damit austreyß vñ
fallen lasse/sonderñ das man eyn gewiß zeichen hab/das vñs
vorsichere/es sey also vñs geben/das seyn die Sacrament.

¶ Zum Achtzehenden/ Soll keyn Churken mēsch an seynē
end zweyffeln/er sey nit alleyn yn seynes sterben/sonderñ gewiß
seyn/dz noch anzeigüg des sacraments/auff yhr gar viel aus-
gen sehen/zum ersten gottis selber vnd Christi/darumb das er
seynem wort glaubt vñ seynē sacrament anhangt/ darnach die

lieben engel/ die heyligen vñ alle Christen/ dan da ist keyn zwey
ffell/ wie das sacrament des altaris weyßet/ das die alle sampt
als eyn ganz corper zu seynē glidmas/ zu lauffen/ helfen yhm
den tod/ die sund/ die hell vberwinden vnd/ tragen alle mit yhm/
da geht das werck der liebe/ vñ gemeynschafft der heyligen ym
ernst vñ gewaltiglich/ vnd eyn Christen mensch soll yhm auch
fürbilden/ vnd keynen zweyffell droß haben/ darauf er dan keck
wirt zu sterben/ dan wer dran zweiffelt/ der glaubt aber nicht
an das hochwirdig sacrament des leychnas Christi/ In wil-
chem gezeigt/ zugesagt/ vñ pflicht wirt gemeynschafft/ hulff/
lieb/ trost/ vñ beystand aller heyligen yn alle noten. Dan so du
glaubst yn die zeichē vñ wort gottis/ so hat got eyn auge auff
dich/ wie er sagt ps 31. Furnabo 2c. Ich will meyn augen stet
auff dich haben/ das du nit vntergehest/ So aber got auff dich
sicht/ so sehen ym nach alle engele/ alle heyligen/ alle creaturen/
vnd so du yn des glauben bleybst/ halten sie alle die hand vnter.
Gehet deyn seel auß/ so seyn sie da vnd empfangen sie/ du magst
nit vntergehen/ das ist bezeugt yn Heliseo iij. Reg. vi. Der zu sey-
nez knecht sprach/ furcht dich nit/ yhu ist mehr mit vns/ dā mit
yhnen/ so doch die seynd sie vmbbringt hetten/ vñ niemāt anders
sahen/ Aber gott thet dem knecht die augen auff/ do war vmb
sie eyn großer hauff feuriger pfert vñ wagen/ Also ist auch ge-
wiß vmb eyn igliche der gott glaubt/ Da gehen dan die spruch
her ps. 33. Der engell gottis wirt sich eynlassen ringsvmb die do
gott furchten/ vñ wirt sie erlösen. 122. Welche gott vortrawet/
die wadē vnbeweglich seyn/ wie d berg zion. Er wirt ewiglich
bleyben. Hohe berge (das seyn engele) seyn yn seynem vmbung/
vnd gott selber vmbbringt seyn volck/ von hyn byß hyn ewickit
ps. 90. Er hat seynen Engelen dich befohlen/ Auff den handē sol-
len sie dich tragen/ vñ dich bewaren wo du hyn gehest/ das du
nit stoßest deynen fuß an yrgend eynen steyn/ Auff der schlange
vñ Basiliscū soltu gehen / vñ auff den lawen vñ drachē soltu
treten (das ist alle stercke vñ list des teuffels werden dyr nichts
thun) dan er hat yn mich vortrawet/ Ich wil yhn erlösen/ ich
wil bey ym seyn yn allen seynen ansechtügen/ ich will yhm auß
helffen vñ zu ehren setzen/ Ich will yhn soll machen mit ewic-
keit. Ich will yhm offenbaren meyne ewigen gnade.
Also spricht auch der Apostel / das die Engell/ der vnsehlich

vill seyn/ alzu mall dinstpar seyn vnd auß geschickt vmb der
willen/die do selig warden.

Diz seyn alls groÙe dinc/ wer magß glauben? darumb soll
man wissen das gottis werck seyn/die groÙer seyn dan iemand
dencken mag/vñ sie doch wircket ynn solchem cleyner zeichen
der Sacrament / das er vnß lere wie groÙ dinc sey eyn rechter
glaub zu Gott.

¶ Zum Neuntzehenden/Soll aber niemant sich vormessen
solch ding auß seynen cressen zu vben/ sondern gott demutig-
lich bitten/das er solchen glauben vnd vorstant seyner heyligen
sacrament/ yn vnß schaff vñ erhalt/auff das also/mit furcht
vnd demut zu gehe/ vnd wir nit vnß solch werck zu schreyben/
sondern gott die eere lassen/ Darzu soll er/ alle heyligen Engell/
ßonder seynen Engell/die Mutter gottis / Alle Aposteln vñ
lieben heyligen anruffen/ßonderlich da yhm gott/ßondere an-
dacht zu geben hatt. Soll aber also bitten/das er nit zweyffel
dz bett werd erhoert/ Da hatt er zwo vrsach zu/ Die erste/das er
izt gehort auß der schryfft/wie gott yhnen besolen hat/vnd wie
das sacrament gibt/das sie lieben vnd helffen müssen/ allen die
do glauben / Das soll man yhn fürhalten vnd auffrucken/ nit
das siees nit wissen odder sonst nit theten/sondern das ð glaub
vnd zuvorsicht zu yhnen vnd durch sie zu gott deste stercker vñ
frölicher werd/ dem todt vnteraugen zu gehen/ Die ander/ das
gott gepoten hatt / Wan wir beten wollen / das wir yhe fest
glauben/ es geschehe was wir bitten / vñ sey eyn warhafftig
Amen / Dasselb gepott muß man gott auch auffrucken vñ
sagen. Mein gott du hast gepoten zu bitten / vñ zu glauben
die bitt werd erhört/drauff/ bitt ich vnd vilas mich / du wer-
dest mich nit lassen vnd eyner rechten glauben geben.


Darzu solt man/das ganz leben lang bitten gott vnd seyne
heyligen/ vmb die letzten stund/ für eyner rechten glauben/ wie
dan gar seyn gesungen wirt am pfingstag. Tu bitten wir den
heyligē geyst/vmb den rechten glauben aller meyst/wen wir heim
farē/ auß disse elende zc. Vnd wā die stünd kōmen ist zu stabē/


soll man gott desselben gepets ermanen / neben seynes gepot vñ
zusagen / an allen zweyffell es sey erhoret / dan so er gepoten hat
zu bitten / vñ zu trawen ym gebet / dartzu gnad geben zu bitten /
Was solt man zweyffelln / er hats duß als than / das er es er
horen vñ erfüllen will.

¶ Zum Zwentzigsten.

¶ Tu sich was soll dyr deyn gott mehr thun / das du den
todt willig an nimmst. nicht furchtest vñ vbirwindest / Er weist
vñ gibt dyr in Christo / des lebēs / d̄ gnade / der seligkeit bild / das
du fur des tods / d̄ sund / d̄ hell bild mit dich entsetzist. Er legt dar
zu deynen tod / deyne sund / deyn hell auff seynen liebsten sun / vñ
vbirwindt sie dyr / macht sie dyr vnschedlich / Er leßt dartzu deyn
ne anfechtung des tods / der sund / der helle auch vbir seynen sun
gehen / vñ dich darinne zu halten leret / vñ sie vnschedlich / dartzu
treglich macht. Er gibt dyr des alles ein gewißwartz aichē / das
du yhe nit dran zweiffelst / nemlich die heyligen sacrament / Er
Befelht seynen Engeln / allen heyligen / allen creature / das sie mit
yhm auff dich sehen / deynen seel warnemen vñ sie entpfahen. Er
gepeut du solt solchs von yhm bitten / vnd der erhörung gewiß
seyn. Was kan oder soll er mehr thun / Dumb sibstu das er eyn
warer gott ist / vñ rechte gro ße gottliche werck mit dyr wirckt /
Warumb solt er dyr nicht etwas gro ßs auff letten (als das ster
ben ist) wan er so gro ß vorteyl hilff vñ starck dartzu thut / auff
das er vrsuche / was seyne gnade vormag. wie geschrieben steet
ps 110. Die werck gottis seyn gro ß vnd außerswelet nach allem
seynen wolgefallen. ¶ Derhalben muß man zu sehen / das
man yhe mit gro ßen freuden des hertzen danck / seynem gotlibē
willen / das er mit vnß widder den tod / sund vñ hell / so wüder
lich / reichlich vñ vnmesslich gnad vñ barmhertzeckeyt vbet / vñ
nit so sere fur den tod furchtē / allein sein gnad preysen vñ liebē /
dann die liebe vñ das loß / das sterben gar sere leichteret / wie er
sagt durch Iaiam. Ich wil zeumen deynen mund mit meynē
lob / das du nit vntergehest / des helff vnß Gott. 2c Amen.

¶ Gedruckt zu Wittenberg Nach Christ geburt
1570. C. vnd im xix.






O. Harrenowitz

Kal 328 # 1136.

28 Febr 1910.

1579



522

